



2023-2027 ALDIAN GASTEIZEN GAZTAINA-SALTOKIAK INSTALATU AHAL IZATEKO JABETZA PUBLIKOA ERABILI ETA USTIATZEKO BAIMENA ESLEITZEKO DEIALDIAREN OINARRIAK

1. XEDEA

2023-2027 denboraldirako Gasteizen 14 gaztaina-saltoki instalatzeko baimena izango da xedea, 2023-2027 aldian.

Baimena soil-soilik gaztainak saltzeko da.

2. KOKALEKUA

Hiriko honako lekuetarako izango da baimena, eta Udalak kokapenak aldatzeko eskumena izango du, behar bezala justifikatutako inguruabarrek edo ustekabeko gertakariak hala eskatzen badute:

Kokalekuak
1. Jesus Maria Leizaola plaza
2. Loma Jeneralaren plaza, Alaba Jenerala kaleko ertzean.
3. Jesus Guridi plaza, El Corte Ingleseko sarreraren aurrean.
4. Prudencio Maria Berastegi kalea, Frantzia kaleko ertzean.
5. Arka plaza
6. San Frantzisko kalea, Aiztogile kaleko sarreraren ondoan.
7. Probintzia Plaza, 9
8. Gasteiz hiribidearen erdiko pasealekua, Cruz Blanca kaleko ertzea
9. Gasteiz hiribidea, 45
10. Paraguay kalea, Basoa kalearekiko ertzean.
11. Arriagako atea kalea, Koroatzearen kaleko ertzean.
12. Karlos I.a Enperadorearen plaza, 1
13. Wellingtongo Dukearen kalea, Lakuako Gizarte Etxearen ondoan.
14. Sofia Erreginaren Hiribidea 112. zkia, Nazio Batuen Hiribidea ertzean.

Edonola ere, instalatu aurretik, Gasteizko Udalaren oniritzia jaso beharko dute kiosko eta saltoki-ibilgailu guztiek.



Era berean, eta deialdian adierazitako denboraldi osoan, eskatzaileek egokitzen jotzen dituzten kokapen berrien proposamenak onartuko dira, betiere erregistro bidez aurkeztuta. Jaso ondoren, eskumena duen sailarekin kontsultatuko da eta kokapena aldatzeko aukeraren berri emango da betiere interesdunen arteko berdintasun eta lehia askearen printzipioekiko errespetua bermatuz.

3. BAIMENAREN IRAUPENA

Baimena lau urterako izango da, honako iraunaldietan:

- 2023ko urriaren 15etik, 2024ko urtarrilaren 15era arte.
- 2024ko urriaren 15etik, 2025eko urtarrilaren 15era arte.
- 2025eko urriaren 15etik, 2026ko urtarrilaren 15era arte.
- 2026ko urriaren 15etik, 2027ko urtarrilaren 15era arte.

Epea amaitzean, saltokiak kendu egin beharko dira bide publikotik. Baldin eta epe horretan ez bada hala egiten, Gasteizko Udalak egingo du, modu subsidiarioan, hartara behartuta zegoenaren kontura, eta sortutako gastu, kalte eta galerak galdatuko dizkio.

4. ESKABIDEAK AURKEZTEKO LEKUA ETA EPEA

Eskaerak **urtarrilaren 19tik otsailaren 1era bitartean** aurkeztu behar dira, bide hautekoren bat baliatuz:

- Teodoro Dublang Margolariaren kalea, 25, 01008 Gasteiz, Araba.
- Aurrez aurre, herritarrei laguntzeko bulegoetako batean
- Gasteizko Udalaren egoitza elektronikoaren bitartez: <https://sedeelectronica.vitoria-gasteiz.org>
- Baita Herri Administrazioen Administrazio Prozedura Erkidearen urriaren 1eko 39/2015 Legean ezarritako beste edozeinetan ere.

Telefono bidezko argibideak: 010 eta 945161100.

Eskaera postaz Udalaren Bulego Teknikoetara —Teodoro Dublang Margolariaren kalea, 25 - behea; 01008 Vitoria-Gasteiz— bidaltzen denean posta ziurtatuz egin behar da. Bidalketa Postetxeko bulegoan zein egunetan egin den justifikatu beharko du eskatzaileak, eta egun horretan bertan jakinarazi beharko dio eskabidea egin duela Gasteizko Udalaren Merkataritza Zerbitzuari, posta elektronikoz (comercio@vitoria-gasteiz.org), betiere uztailaren 5aren (barne) aurretik. Jakinarazpenak balioa izan dezan, jasota geratu beharko da mezua jaso dela, baita



komunikazioaren data eta eduki osoa ere, eta era frogagarrian identifikatu beharko dira igorlea eta hartzailea. Bestela, baliteke eskabidea ezestea.

Saltokia eskuratzeko eskabidea egiten delarik, deialdiaren oinarriak onartzen direla esan nahiko du. Oro har, ez da salmenta-eskabiderik onartuko deialdi honetan ezarritako epe ofiziale-tik kanpo.

Lizentziak indarrean dauden bitartean ere eskaera berriak onartu ahal izango dira, eta horiek itxaron-zerrenda batean sartuko dira. Kasu honetan, itxarote-zerrendako ordena eskaera udal erregistroan sartu den eguna/ordua/minutua jarraituz zehaztuko da.

5. BALORAZIO IRIZPIDEAK

A.- IBILBIDEA ETA PROFESIONALITASUNA GAZTAINA SALMENTA IBILTARIAN IZANDAKO JARDUERAN.....3 PUNTU GEHIENEZ

Eskatzaileak ohikotasunez, legearekin bat eta lanbide gisa burututako salmenta ibiltaria bali-oetsiko da, jarduera burutu duen geografia eremua kontuan hartu gabe. Azken hiru urtean salmenta ibiltaria honako denboraz lanbide izan duten pertsonak:

- Eskatzailearen antzintasuna bi urtekoa edo hortik gorakoa bada (EJZren edo lan-bizitzaren egiaztagiriaren arabera).....3 puntu
- Eskatzailearen antzintasuna bi urtekoa baino gutxiago bada (EJZren edo lan-bizitzaren egiaztagiriaren arabera).....2 puntu

B.- ENPRESAREN TAMAINA.....1 PUNTU GEHIENEZ

- 10 langiletik beherako enpresak1 puntu
- 10 langiletik gorako enpresak0,5 puntu

C.- BESTEAK.....1 PUNTU GEHIENEZ

- Erraz birziklatzeko materialen erabileraren sustapena.....1 puntu

Eskaeren balorazio eta ordena 5. puntu honetan aurreikusitakoaren arabera egingo da. Puntuazio aldetik berdinketa balego, zozketa egingo da.



Eskaintzaileetako bati saltoki bat esleitu ondoren, ezingo zaio besterik esleitu harik eta eskaintzaile guztiei bana esleitu arte.

Itxaron-zerrenda osatuko da deialdian eskatutako betekizunak bete arren, esleipena eskuratu ez duten eskatzaileekin itxaron-zerrendaren hurrenkera 5. oinarrian adierazitako balioespenerizpideen arabera osatuko

Eskabideak deialdiaren epetik kanpo aurkeztuz gero, eta deialdian eskatutako baldintzak betetzen dituztela egiaztatu ondoren, indarrean dagoen itxaron zerrendaren amaieran pasatuko dira.

6. NAHITAEZ AURKEZTU BEHARREKO AGIRIAK

- Gaztainak saltzeko postuak jartzeko eskabide-orria eredu ofiziala, non Gasteizko Udalerrian salmenta ibiltaria arautzeko ordenantzako eta deialdi honetako betebeharrak betetzen direla adieraziko baitu.
- Baimena eskatzen duen pertsonaren nortasun-agiriaren fotokopia, edo Europar Batasunaz kanpokoen kasuan, lan-baimena eta egoitza-baimena indarrean direlarik, eta atzerritarren arloan legeak dioenarekin bat etorritz.
- Pertsona juridikoen kasuan, eratze eskrituren fotokopia; eskatzailearen ordezkatzeko ahalmena jasotzen duen agiria eta Identifikazio Fiskalerako txartelaren fotokopia.
- Kioskoaren edo ibilgailuaren agiri teknikoak eta argazkiak.
- Halakorik baldin bada, indarrean dagoen osasun-baimena edo osasun erregistro zenbakia.

7. ESKABIDEAK BALIOESTEKO ETA LEHENESTEKO AGIRIAK

- EJZ agiria
- Lan-bizitzaren egiaztagiria, eskatzailearen izenean emana, egunretatuta.
- Soldatapeko langilerik ez badu, azken hilabeteko autonomo ordainketaren ordainagiria eta enpresaburuaren jarduera-ezaren egiaztagiria.
- Azken hilabeteko langileen zerrenda izenduna.
- Erraz birziklatzeko materialen erabileraren sustapenaren



Gasteizko Udalarekin inolako zorrik ez izateko baldintza bete beharko da (ofizioz egiaztatuko da) lizentzia lortu ahal izateko.

8. ESLEIPENDUNEK AURKEZTU BEHARREKO DOKUMENTAZIOA

Otsailaren 23tik aurrera, jendaurrean egongo dira esleipendunen zerrendak, 010 argibide telefonoan (945 161 100 Gasteiztik kanpotik deituz gero) zein udalaren web gunean (www.vitoria-gasteiz.org).

Esleipendunek agiri hauek aurkeztu beharko dituzte Gasteizko Udalaren bulego teknikoetan (Terodoro Doublang Margolariaren kalea, 25), **irailaren 25etik 29ra bitartean**:

- Azokan zehar, berorren ondorioz kalte-galerarik sortuko balitz ere, horiek estaliko dituen erantzukizun zibileko aseguruaren ordainagiria eta poliza bera.
- Titularraren argazkia, agiri tamainakoak.
- Saltzaileek elikadura-higienearen arloan jasotako prestakuntza egiaztatzen duen agiria.
- Titularrari dagozkion Gizarte Segurantzako azken ordainagiriaren fotokopiak, edo dagozkion Gizarte Segurantzaren erregimenean alta emanda egotearena.

Gasteizko Udalak ofizioz egiaztatuko du honako dokumentazioa:

- Ekonomia Jardueren gaineko Zergako salmenta ibiltariaren epigrafeko alta eta bajen ziurtagiria.
- Azokan parte hartzetik sortutako gastuen eta bermearen ordainagiriak ordaindu izanaren egiaztatzea.

Epe berean, ordaintzeko leku eta modu hauek baliatu ahalko dituzte esleipendunek ordainagiriak ordaintzeko:

- Kutxabank, Laboral Kutxa, Caixabank, Caja Rural Navarra eta Banco Santanderreko edozein bulegotan, beraiek ezarritako ordutegian, Gasteizko Udalak jaulkitako ordainketa-agiriarekin.
- Herritarrei laguntzeko bulegoetan, finantza-erakundeekin hitzartutako kreditu-txartelen bidez.



- San Martineko udal bulegoetan (Teodoro Dublang Margolariaren kalea, 25, beheko solairua), txeke bidez edo finantza-erakunderen batekin hitzartutako kreditu-txartela baliatuz. Orduategia: 8:30etik 14:00etara, astelehenetik ostiralera, lanegunetan. Telefonoak : 010 eta 945 16 11 00.
- Internet bidez: <https://sedeelectronica.vitoria-gasteiz.org>

Esleipendunek agiriak aurkezteko epea amaitu ostean, agiri horiek aurkeztu ez badira baimenaren aprobetxamenduari uko egiten zaiola ulertuko da. Uko egiteko arrazoi nahiko bada eta uko egite horrek bestelako aprobetxamenduak eragozten ez baditu baino ez du itzuliko bermea Gasteizko Udalak.

9. TASA ETA PREZIO PUBLIKOAK

Jabetza Publikoko Ondasunak Pribatiboki Erabiltzearen edo haien Baliatze Bereziaren Tasak Arautzen dituen Ordenantzaren (7.1 ordenantzaren 3. epigrafea) jasotzen da. Kasu honetan, 2022.urtean 106,13 €-koa izan zen.

10. BERMEA

Eskatzaile esleipendunek 200 €ko bermea jarri beharko dute saltoki baimendu bakoitzeko. Berme hori bide publikoan eta udal instalazioetan sor litezkeen kalteen aurrean erantzuteko erabiliko da. Erabili beharko ez balitz, denboraldia amaitzean itzuliko da, behin saltokia, eta instalazio elektrikoko edo bestela instalazioetako elementu guztiak kendu direlarik, eta udal zerbitzu teknikoek ezarritako betebeharrak bete dituela aztertu ondoren.

11. LIZENTZIAK JASOTZEKO TOKIA ETA EPEA

Agiriak aurretiaz aurkeztu direlarik Udaletxeko bulego teknikoetan —Teodoro Dublang, 25— jaso beharko dira lizentziak, **urriaren 2tik 9ra bitartean** —orduegia: 8:30etik 14:00etara—. Titularrak jaso beharko dute, nortasun agiria aurkeztuta —Europar Bata-sunaz kanpokoen kasuan, atzerritarren alorrean indarrean dagoen legeriak eskatzen dituen lan eta egoitza baimenaren fotokopia—. Era berean, hirugarren bati ahalmena eman ahal izan-go zaio baimena jaso ahal izateko, idatziz baimentzen badu eta NANaren edo horren balioki-dea (Europar Batasunaz kanpokoen kasuan) den fotokopia erakutsita.



12. SALMENTA IBILTARIAREN ARIKETARAKO BALDINTZAK

Eskatzaile esleipendunek, jarduera dela eta aplikatzekoak zaizkien legezko betebeharrak betetzeaz gain, oinarri hauetan jasotako betekizunen arabera bideratu beharko du jarduera, eta, bereziki, honako hauen arabera:

A) SALTOKIETAKO LANGILEAK. BETEKIZUNAK

- Gasteizko Udalarekin inolako zorrik ez izatea. Ofizioz egiaztatuko du Gasteizko Udalak hori horrela den, jasotako eskabideak baloratzeraoan.
- Gizarte Segurantzaren Erregimenean alta emanda egotea eta horri dagozkion kopuruak ordainduta edukitzea. Baldintza hau galdagarria izango da bereren kontu pertsonal langilearentzat.
- Ekonomia jardueraren arriskuak estaltzen dituen erantzukizun zibileko aseguruia edukitzea eta ordaintuta egotea.
- Hirugarren herrietako mailegatzailleek akreditatu behar izango dute bizileku-baimenak eta lana kontuetan indarreko legerian ezarritako beharrak betetzea.
- Ekonomia jardueraren arriskuak estaltzen dituen erantzukizun zibileko aseguruia edukitzea eta ordaintuta egotea.
- Lizentzia pertsonala da, eta titularra edo titularkidea arduratuko dira bezeroekin zuzenean aritzeaz (ez da beharrezko saltokian biak batera egotea). Biek beren gain hartzen dute, saltokia gobernatzeko, haren barruan egongo diren bi pertsona bakarrak izateko ardura. Horrela ez baldin bada gertatzen, baimena baliogabetu ahal izango da, bai eta saltokia itxi ere.
- Higiene eta osasun edo beste izaera bateko arautze espezifikoek ezarritako baldintzak betetzea.
- Lizentziak norberak eta ez bestek erabiltzeko izango dira, debekatua dago haiek eskualdatzea.
- Esleipendunek jendeak oro har zein ikuskatzaileek erraz ikusteko moduan jarri beharko dituzte honako agiriak:
 - Esleipendunek jendeak oro har zein ikuskatzaileek erraz ikusteko moduan jarri beharko dituzte honako agiriak.
 - Jarduerak eragin ditzakeen erreklamazioak jasotzeko helbidea.



B) BALDINTZA OROKORRAK

- Enpresariari aplikatzekoa zaion araudia bete, bereziki jaki salmenta dela eta aintzat hartu beharrekoak.
- Jarduerak sortzen dituen gastuak oro (argia, ura eta beste) kontzesioaren hartzailearen kontura izango dira.
- Edozein eratako kartelak edo iragarkiak jartzekotan, Gasteizko Udalaren oniritzia izan beharko da aldez aurretik. Oro har, jendaurreko informazio guztia euskaraz eta erdaraz idatzita jarri beharko da. Prezioak jendaurrean egon behar dira.
- Prezioak jendaurrean egon behar dira.
- Zehazten diren lekuetan kioskoak instalatzea.
- Egunean egon beharko du negozio ustiapenari dagozkion zerga eta lan betebeharrei dagokienez, eta zerbitzua eskaintzeko kontratatzen dituen langileak beraren menpe egongo dira
- Kontzesioa hartzen duen enpresak solaskide bat izendatu beharko du, eta telefonoa eta posta elektronikoa izan beharko ditu, berarekin komunikatu ahal izateko.
- Gaztainak saltzeko baino ezingo ditu baliatu instalazioak eta eskura jartzen zaizkion elementuak esleipendunak.
- Ibilgailuek jarduera garatzeko edukiera nahikoa izango dute.

C) BIDE PUBLIKOARI BURUZKO BETEBEHARRAK

- Esleipendunaren kontura joango da zehazten diren lekuetan kioskoak instalatzea.
- Kioskoen ezaugarriak ingurura egokitu beharko dira, estetikari eta funtzionaltasunari dagokienez.
- Bere instalazioez gain, esleipendunek garbi eta onik zaindu beharko dute erabiltzeko baimena ematen zaien jabari publiko, eta ezingo du utzi kutxa, ontzi, paper edo bestelako hondakinik haien inguruan. Aitzitik, eguna amaitzean behar den birziklatze edukiontzira eramango du sortzen duen hondakin oro, egunaren amaieran espazioa egoera onean utzita.
- Gaztainak saltzeko instalazioek ezin izango dute oinezkoen trafikoa eten, beti ere Irigarritasunari buruzko legeak eta hura garatzeko araudiak oinezkoen ibilbideentzat ezartzen dituen arauekin bat etorritik. Era berean, lekua gordeko du gurpil aulkian datorrena aurreraino joan dadin.



- Saltoki bakoitzeko gehienez ere 2X1 metroko azalera hartu ahal izango da bide publikoan, eta Gasteizko Udalak ezarriko du zehatz-mehatz non jarri.
- Baimenaren titularra izango da jarduera baimenduaren ondorioz bide publikoan sor litezkeen kalte-galera guztien arduraduna..
- Ezingo da deus zoruari lotuta atxiki, eta behar bezala babestu beharko da hura.
- Ahal den guztietan, galtzada okupatuaz ipini beharko dira, halako moduan non ibilgailuaren salmenta-gunea espaloi aldera irekiko den.

D) HIGIENE ETA OSASUN BALDINTZAK

- Postuak edozein poluzio-fokutik urrunduta jarriko dira.
- Langileek arropa egokia erabili beharko dute, horretarako eta ez beste ezertarako erabiltzekoa Langileek higie-ne-arauak jarraituko dituzte, nola norberaren eta arropen garbiketan, hala lanerako beharko dituzten tresnengan ere.
- Produktuek eta horien kaxa eta ontziek ezin izango dute inoiz lurzorua zuzenean ukitu.
- Lanaldietatik kanpo, establezimenduak kanpotik isolatuta egongo dira, halako moduan non kanpoko eragileen (intsektu, karraskari edo bestelako animalien) sarrera galaraziko den.
- Salmentarako erabiliko diren gaztainak baimendutako establezimenduetan erosiko dira
- Produktuak azken kontsumitzailearengana saldu bitarteko trazabilitatea jarraitzeko beharrezko agiriak izango ditu.
- Banaketarako elikagaiak biltzeko ontziak erabili beharko dira.

Kontsumitzaileen babesari dagokionez:

- Instalazio guztietan adieraziko dira (kanpotik ondo ikusteko moduan) jendaurrean saltzeko prezioak, bai eta nahi duen bezero orok erreklamazio-orriak dituela erabilgarri.

13. KONTROLA ETA EGIATAPENA

Gasteizko Udalak edo ordezkatzan duen erakundeak behar diren kontrol eta ikuskapen ekintzak egingo ditu, lizentzia jaso duten saltokiak behar bezala erabiltzen direla eta horietan



bideratzen den jarduera ebazpen honetan, kaleko salmenta arautzeko ordenantzan eta aplikagarri zaizkion gainerako arauetan xedatutakoarekin bat datorrela bermatze aldera.

14. HUTSEGITEAK ETA ZIGOR ERREGIMENA

Kaleko Salmenta arautzeko Udal Ordenantzaren VI. kapituluko 34. artikuluan adierazten dena izango da arau-hausteen sailkapena.

Udal agintariek, beren zaintza eta kontrol zereginen bitartez, ebazpen honetan jasotako xedapenak, kaleko salmenta arautzeko ordenantzan finkatutakoak eta jarduerari nahiz saltzen diren produktuei aplikagarri zaizkien gainerako lege-arauak betetzen direla bermatuko dute.

Araudi hori betetzen ez bada, arauzko dossier zigortzailea izapidetzeari ekingo zaio, dela ofizioz, dela eskumena duen organoak edo interesdunen batek hala eskatzen duelarik.

Lizentzia eman zuen organoak izango du eskumena dosierra abiarazteko eta, behar izanez gero, egokitzat jotzen duen erabakia hartzeko.

Probidentzia baten bitartez abiaraziko da dossier zigortzailea; jakinaren gainean jarriko dira ustezko arau-hausleak eta, aldi berean, arrazoiak eta inguruabarrak azalduko zaizkie, baita ustez zein arau hautsi duten eta dosierra bideratzeko idazkari eta instruktore nor izendatu diren ere, eta hamabost egun naturaleko epea emango zaie alegazioak aurkezteko.

Kontsumitzaile eta erabiltzaileen babeserako legedi orokorrean aurreikusitakoa aplikatzeaz gain, Merkataritza Jarduerari buruzko maiatzaren 27ko 7/1994 Legean xedatutakoaren arabera zigortuko dira arau-haustea.

15. BAIMENA IRAUNGITZEKO ARRAZOIAK

Hauek izango dira salmenta-baimena iraungitzeko arrazoiak:

1. Indarraldia bukatzen denean.
2. Titularrak uko egitea, edo hiltzea.
3. Baimena ematekotan bete beharreko baldintzetakoren bat betetzeari uztea.
4. Eskatzen diren tasa edo kanonak ordaintzen ez badira.



5. Kaleko salmenta arautzeko udal ordenantzaren 7. artikulua ildotik baliogabetzea.
6. Baimena galtzea dakarren zigorra ezartzen bada

16. BAIMENAK GOZATU EZINEKO EGOERAK

Lanengatik edo beste edozein arrazoiengatik baimenaren titularrak hartaz gozatzerik izango ez balu, Udalak egoera jakin hori aztertuko luke, une jakin horretan, baina egoera horrek ez dio baimenaren titularrari kalte-ordainik batere jasotzeko eskubiderik emango.

17. KONFIDENTZIALTASUN-KLAUSULA

Gasteizko Udalaren Ekonomia Sustapena Enplegua, Merkataritza eta Turismo Sailak eskatzaileei jakinaraziko die haien datu pertsonalak fitxategietan sartuko direla. Datu pertsonalak babes-teari buruzko 2016/679 Erregelamendua (EB), 2016 apirilaren 27ko, Europako Parlamentua-rena eta Kontseiluarena, betetze aldera, udalaren kudeaketa lanak egin ahal izateko, eta horren aurka, aipatu Legeak aitortzen dituen eskubideez baliatu nahi izanez gero, Gasteizko Udalaren argibide bulegoetakoren batera jo daitekeela.

Deialdia ebatzi ondoren, Gasteizko Udalaren iragarki-taulan nahiz web-orrian argitaratu ahal izango dira emaitzak.